

寶祐重修琴川志

常熟志未之最先者宋慶元中縣令孫公應時所修至元代升縣
為州知州盧公鎮即孫縣志而補緝之至明季錢版已失盧志已
不可得是以明末顧公立本得見此原版刻本實同拱璧國初毛
子晉刻汲古閣版文清朗而無闕余家所藏顧版本各圖皆全後
余因書中有缺頁缺字借汲古本補全之忽為常事借觀索思
日而圖少幾頁歎惋者久之嘉慶十年五月初一日言朝楫記

右引元初琴川志十五卷 蔭棠學博定言氏校臧本傳錄屬
予按此書元本損闕頗多其德漫漫五五注俗字墨潤悉
為標識云々字墨潤在江蘇志之地目清自完本稿亦訂正
玉堂中缺葉言文俱以王刻初稿是八第の卷第之葉以
予晉刻補抄入之於以補之長文之改作雙行夾注以懸行款
今更云之未和云云云云如道光三年即思易校竟不識

琴川志叙

知常熟州事淮南盧君嘗以古者郡國有圖風土有記所以備一方之紀

載今之志書即古之圖記也其可廢乎哉然常熟舊志自宋兵南渡版籍不存至慶元丙辰縣令孫應時始編次為書其後縣升為州厯年浸遠而是書之存焉者寡且丙辰以後續其所

未備者後未有其人非缺典歟乃亟訪
孫令所編而重正之合十有五卷仍其
舊名而題之曰重脩琴川志予得而
讀之然後知君之善為政也夫士之
善為政者必先其所急以及其所緩
為之衣食以厚民之生為之教化以
淑民之德獄訟以戒其不率賦斂
以正其不均此最其所急而不可緩

者也至於攷其人物之愚智風俗之
盛衰以及生產之同異山川之險夷凡
此之類蓋差可緩而不可廢者也故
用事於一州者得通敏有為之士則
將裁正乎緩急之間而不謬其序
區別乎先後之際而不失其宜矣嗚
呼若君之在常熟其殆庶幾於
此者乎常熟為吳之支郡以言其

人物則姬泰伯之所逃夫差項籍之所
霸也以言其風俗則有言游公子札之
文雅朱買臣陸機雲兄弟之馳
驟范蠡希文張李鷹之慷慨高舉
也以言其生產則陸海鹽締鍛冶
之饒聞於東南也以言其山川則有海隅
島目之形勝大江東海之要害也若此數
事蓋皆為政者之不可以不考焉者也

於是君之下車蓋逾年矣凡州政
之所宜急者六既患舉而先之而又
不廢其所緩應攷前數事以成乎
是書真所謂通敏有為之士哉昔周
官職方氏掌天下之圖與其財用穀
畜之數要周知其利害則志書者蓋三
代為政之法而後世尤謹著之以為政
寔今君之為廼能先民之所急而後

及乎是故曰為政也書以銀梓
以新君命士友陸景元來謂予曰子
執筆史館其言為之微率為家序
之予雖不識君然聞君之為政是此者
頗悉故直書而闕以授之使後之人觀
之亦足以感發而興起矣君名鎮字
子安以領兵元帥兼知州事云至正乙
巳正月望日金華戴良序

重修琴川志

姑蘇爲吳王之故都今爲畿輔之大郡若常熟則爲郡之大縣自春秋距今千六百餘年其壤地之間建置之沿革風物之變遷與夫事跡之涉於理亂善惡之繫於勸懲可書者宜若不可勝紀余家世東海南渡初曾叔大父光祿公仕于吳因寓于此余端平乙未方自淮來依宗黨始至嘗問客曰縣名常熟其義安在其始何時客應之曰紹興縣宰顓名云梁改南沙爲常熟命名之義則不知也又問有圖經可以參攷否曰所誌亦同有故老可以質問否曰無可與語者及觀陸澄吳地記有吳郡常熟縣之文則齊代已有常熟之名非改於梁也吁宰是邑生長是邑雖更易之歲月名稱之意義且不及知它復何望焉此前人失於紀述故後人無所稽據遂使名都大邑傳信失實良可

歎已龍泉鮑君廉來綰縣章每以圖志未詳爲闕典於是與邑之秀民鍾君秀實胡君淳旁搜博采攷古訪舊裒輯會粹討論是正以增益其所未至迨再考後始能成編列爲十門條分類析固不敢謂盡無遺闕然視舊志則粗備也昔周官職方氏掌天下之圖與其財用穀畜之數要周知其利害蕭何收秦圖籍具知天下阨塞戶口多少彊弱自非郡國有志風土有記何因而然茲事於縣政若緩而實切蓋傳今貽後所關者大鮑君可謂知所先務矣寶祐甲寅中元日朐山丘岳叙


總序

郡有志邑亦有志志非史也所以述史而備記也聖人之於史亦惟述而不作况邑志乎琴川舊志荒落丙辰慶元孫應時修飾之更八政庚午嘉定葉凱始取而廣其傳時久人殊事多闕

且軼覽者病焉於是叙縣以表之有邑此有長有長此有丞下
於丞曰簿尉酒稅是爲縣官鎮有監寨有巡各庀乃職以贊其
長故次之以叙官邑于虞山之陽鄉招真行山之南境則之秋
報而西迤興福行山之北境則之宣化而北山縣之鎮也故次
之以叙山縣有海虞南沙常熟之異名又別曰琴川其義蓋內
取七港外取五浦要亦專指水爲言而溝洫之利以之江海之
防以之故次之以叙水邑爲沮洳之區田疇衍沃而病於經界
之久壞端平始釐正之畝步既正賦役向平故次之以叙田中
興重在江防禁旅舟師雲屯許水近又增福山新軍而縣之弓
兵寨兵亦所不可廢故次之以叙兵山川蓋靈秀所蓄也虞山
瑰奇琴川清澈其鍾而生之者亦必有異矣故次之以叙人人
固有之物亦宜然土地所出風氣所宜殆不一種故次之以叙

物內之道宮梵宇槩見述縣之目其以靈異著于鄉都間古迹頗可覆而邑人奉西方教者尤夥故次之以叙祠若夫斷碑仆碣之僅存新珉近琬之方揭棲墨于垣塗粉于枌亦足爲千古之證也故以叙文終焉博學宏辭科迪功郎新浙西安撫司準備差遣褚中撰

縣境之圖



北

鼎封寺

水
池

上

山

山

山

山

山

山

山

山

山

山

山

山

山

山

山

山

山

山

山

山

山

山

山

山

山


山


水

南

縣治之圖

東園







虞山南境


馬城原

東嶽祠

秋報門







虞山北境

破山

報慈寺

宣化門

洗馬池

春



御村之圖

通州界

楊子大江

水

赤馬

赤馬

浦邊石

浦邊石

浦邊石

浦邊石

浦邊石

浦邊石

浦邊石

浦邊石

浦邊石

浦邊石

浦邊石

浦邊石

浦邊石

浦邊石

浦邊石

京縣山花

開元

馬郎山

馬郎山

馬郎山

馬郎山

馬郎山

馬郎山

馬郎山

馬郎山


馬郎山

馬郎山

馬郎山

通州界

楊子大江



重修琴川志目錄

卷第一

叙縣

縣境

縣城

坊

廟學

社壇

館驛

橋梁

營寨

池

縣治

門

巷

吳公祠附

公廨

亭樓

倉庫

義阡

鎮

市

酒坊

卷第二

叙縣

縣界

卷第三

叙官

縣令

主簿

監務

巡檢

卷第四

三崗

鄉都

縣丞

縣尉

監鎮

叙山

卷第五

叙水

江防

水利

涇

卷第六

叙賦

田

戶口

苗

役錢

海道

湖

塘

地

稅

常平義倉

酒課

拍店

醋息

商稅

上供

錢庫

職田

縣役人

鄉役人

附義役省割文

卷第七

叙兵

許浦水軍

顧逕水軍

寨兵

鋪兵

卷第八

叙人

進士顯名

人物

隱逸

卷第九

叙產

卷第十

叙祠

廟

冢墓

卷第十一

至十三卷

叙文

碑記

卷第十四

至十五卷終

題詠

拾遺

寺觀

按琴川志自宋南渡版籍不存其後慶元丙辰縣令孫應時嘗粗脩集迨嘉定庚午縣令葉凱始廣其傳至淳祐辛丑縣令鮑廉又加飾之然後是書乃爲詳悉自是迄今且百餘年顧編續者未有其人而舊梓則已殘毀無遺矣靖惟是州虞仲子游文化之地不可無紀是屬耆老顧德昭等徧求舊本公暇集諸士參攷異同重鋟諸梓其成書後凡所未載各附卷末總十有五卷仍曰重修琴川志其續志則始於

有元焉至正癸卯秋七月初吉守禦常熟領兵副元帥
魚平江路常熟州知州盧鎮謹識

重修琴川志卷第一

叙縣

古制五鄙爲縣此遂縣也四甸爲縣此州縣也王畿千里分爲百縣縣有四郡此畿縣也時縣大而郡小至春秋楚莊王滅陳遂縣陳則縣爲尤大戰國相侵大國分置郡邑縣鄙秦分三十六郡以監天下之縣而縣始統於郡矣是制一定迄今如之茲地之爲縣也自晉始而海虞南沙常熟凡三易名其更革當紀其沿革當具其建置本末當攷其事目小大當詳俾考古以訂今者於此乎有稽焉故作叙縣

望常熟縣

唐爲緊經及九域志則曰望

宋朝祥符圖

漢會稽郡吳縣有虞鄉乃

縣地也吳孫權時嘗置虞農都尉於此晉武帝太康四年始

建爲海虞縣仍屬吳郡

按晉招真治碑海虞縣者則虞農都尉太康置其宰

成帝咸康

七年分海虞置南沙縣屬晉陵郡今縣南北三十鄉齊以南沙爲

常熟縣今崑山縣一百三十里常熟故城是也前志及紹

家在吳郡常熟縣海虞山記乃齊永明間陸澄所作則在齊已有常熟之名曰梁改恐悞梁因之及置信

義郡隋平陳郡廢縣屬吳州并所領海隅前京信義海虞興

國南沙入焉治南沙城按梁書梁初分婁縣置信義郡大同

入常熟時崑山亦廢故信義爲常熟地至開皇十八年復置

崑山縣信義當歸崑山又按吳郡志崑山至西二十里有村曰

信義土人或訛爲鎮義據此二說則信義非常熟地矣然前

志縣有信義坊又舊琴川橋亦名信義必有其故更俟博攷

至唐高祖武德七年移於海虞城至齊門卽今治也若縣所

以名之義則未有攷意者海虞以山南沙以地而常熟則或

以土壤膏沃歲無水旱而名歟楊備詩有歲歲多收常熟田

熟山在縣北三十餘里本名銅官山唐天寶中改爲常熟山則山蓋是因縣爲名耳又別名曰琴川此

其顛末也縣治前後橫港凡七皆西受山水東注運河如琴

弦然今僅有一二通流餘皆堙塞或云五浦注江

亦若琴弦或又云取言游弦歌之意然
弦歌乃武城事於此言之則成附會矣

縣境

縣在郡東北百有五里東西九十里南北一百里是爲提封
之境東五十里入崑山縣界西四十里入江陰軍江陰縣界
南五十里入長洲縣界北五十里至楊子江以江爲界
是爲四正之境東南九十里入崑山縣界以花瀆口爲界東
北一百一十里入崑山縣界以浪港浦爲界西南一百一十
里入常州無錫縣界西北一百七十里入江陰軍江陰縣界
是爲四隅之境至杭州四百六十五里

縣城

諸城附

縣有城古制也張璠爲福祿令治爲百城最呂又爲綿竹令
政爲諸城首古今地里志縣以城名者不一常熟縣城其廢

已久而墅落諸城名尚可攷前志云縣界相傳有城十二而舊所載者石城金鳳城尚墅城九里城凡四而已訪之近地有鵝城扈城朗城莫城餘未知其詳今縣東三十里有陶城閭城郭城利城皆有遺址而陶城尤大與莫城等合前志所載九城共十有二城縣接江陰東西相距僅百三十五里南北七十三里而城若何其多耶按唐廣明中盜賊羣起詔諸道州縣於墅落許立城堡集民兵自衛城多或恐以此

縣城 前志云縣城周廻二百四十步高一丈厚四尺今不存

石城 吳越春秋夫差興樂石城越絕書曰石城闔廬所置美人離城也吳地志云吳王離宮越王獻西施於此今縣北五里有石城里

金鳳城

在縣西北四十里

尚墅城

在縣北十八里

九里城

在縣北九里

鵝城

在縣東南

扈城

在縣北五里

朗城

在縣東南

莫城

在縣南十二里

前志云莫城俗傳是莫耶鑄劍之所亦謂之劍城今有小廟云莫耶大王是也或謂之鎔鄧城有塘曰莫門塘縣東四十里又有莫城按寰宇記漢莫寵所築以捍海賊因名

陶城

在縣

郭城在縣

利城

興地志云晉元帝以海虞縣北境之土山立利城以處流民

門

建炎間令李闡之建

東曰行春

在縣東由三里橋虹橋梅里出許浦至江水曰東橋

西曰秋報

在縣西由嶽廟虞山小即尚湖墅水曰西蔡舍

南曰承流

在縣南由三里斜橋出吳塔

北曰宣化

在縣北由虞山北出頂山

東北曰介福

在縣東北由三里牌丁北涇塘

坊

市必有坊尚矣裴中令之集賢坊白太傅之履道坊昭君坊之繁盛處士坊之淒寂皆足以觀里仁驗民風也前志載常

熟凡十二坊曰言偃文學德政和風惠政隱僊崇德化合信義開元清真常平今皆不存或謂昔之坊今悉爲巷如子游巷意即言偃坊歟而今之坊十有三則又各有其義

製錦坊

在縣治之右與飛鳥坊相對舊名太平坊

飛鳥坊

在縣治之左與製錦坊相對舊名仁壽坊

富民坊

在縣東

春風坊

在縣東以春風樓相對故名

興福坊

在縣東北以崇教興福寺故名

壽安坊

在縣西何家橋

叢桂坊

在縣西北以冷副端兄弟連登科故名

衍慶坊

在縣西北通慧日寺

聚星坊

在縣西北以錢丘富諸寓公皆居此故名

衮繡坊

在縣西北

以曾丞相居此故名

西出秋報門

紫微坊

在縣西北

以崔紫微居此故名

虞山坊

在縣西北

以登虞山故名

興賢坊

在縣南

以縣學居其左故名
本名學道坊前令王煥建後令別楠改今名

巷

紀瞻之居烏衣巷顧雍之居黃鸝巷皆因圖乘而傳縣有子游巷故後世以子游爲吳人者以巷而知也

吳國言公東巷

在縣西北舊名子游巷

吳國言公西巷

在縣西北

市心巷

在縣西

青果巷

在縣東商賈交易之地

新街巷

在縣東

金馳巷 在縣東南

廟巷 在縣東南

鎮橋北巷 在縣西

白家巷 在縣東南

朱師巷 在縣西北邵巷南

曾家巷 在縣西南養濟院南

邵巷 在縣西北

何家巷 在縣西以何家橋故名

冷家巷 在縣東北

捕盜巷 在縣東北

廟學

黨有庠遂有序二十五家里門有塾古之鄉校也郡縣分而

鄉校廢宰百里而興學者載於歷代之史不過數十人他無

所見然大槩則亦鮮矣

宋均在辰陽禁絕淫祠修立學舍仇覽在蒲亭子第羣居造就醫舍劉梁

在新城朝夕勸戒大作誦舍范寧在餘杭興學養士捐俸助給馮伉在醴泉著諭蒙書訓迪學子令遇在餘姚首崇學校教勤生徒義安在吉安清歌弦管行釋鳴呼此世道之所以莫禮景毅在高陵修立文學禮遜化民

不古也常熟縣學在縣東南二百步夫子廟居其中

大成殿額乃宣

和中按祥符圖經至聖文宣王廟在縣南五十步以今地勢

攷之不合然夫子廟其來舊矣而學官之制未詳慶元志略

不及之獨堂宇舊棟題至和者二得非慶曆有詔逮至和始

創學歟淳熙十年令曾榮加葺名講堂曰進學紹熙元年令

葉知幾更曰明倫舊有齋九曰崇德時習好謀朋來利仁隆

禮育英守卓隆德後所存四齋曰尚志尚德尚賢尚文端平

初元令王燭以其卑陋湫隘積久滋弛日惟覆壓是懼且廟

處于學併雜喧溷尤非所以尊事先聖乃因故址闢而新之
放郡庠之制東爲廟廟之前爲殿門又前爲櫺星門兩廡繪
從祀徙吳公祠于殿後東建六先生祠堂

濂溪周先生
橫渠張先生

明道程先生
晦菴朱先生

伊川程先生
南軒張先生

西爲學前爲學門中橫經仍

曰明倫東西兩廡各列職事位一於其旁次爲隸業之齋凡

六曰志道據德依仁游藝曰稽古

藏祭器
服官書

祭曰象賢

卽小學
也專以

教育言氏子孫別爲廩給
詳見四明袁尚書甫記

明倫堂後爲直舍齋廬暨庖廩器

具增造悉備總爲屋百二十楹加於舊者幾半而高闊壯麗

則非舊所可髣髴也增置學糧至千斛訓導課程秩然有序

學之庶事於是畢舉而講學脩身所望於學者則甚切矣

詳見

爲印起極
密了翁記

吳公祠

吳公祠慶元三年令孫應時建爲屋三楹在明倫堂之東偏
朱文公爲之記至寶慶間令惠疇以其卑狹乃更建于學之
東門廡堂室幾三十楹識者復議其位序失宜且規模高廣
殆過於殿尤爲非禮至是令王爚旣遷禮殿乃徙是祠于殿
之後始爲宜稱故其上梁之文有曰自東自西兩嚴廟學之
制在前在後兼安師友之靈蓋叙其實云

社壇

常熟社壇在縣西一里三十步莫攷其創築之始紹興甲戌
令任古淳熙辛丑令陳映嘉定辛巳令葉凱皆嘗修治然規
模粗備禮制終未盡合加以地勢拘逼湫隘特甚嘉熙改元
令王爚乃因故址闢而新之東西二十丈南北十七丈按政
和祀式參以朱文公問答及武昌記所載爲五壇四壝東社

西稷居前北向東風伯西雨雷師居後南向與社稷相背中
隔以墻壇皆三成前二壇趾各方二丈五尺兩成三成各殺
尺崇二尺後三壇趾各方一丈六尺兩成三成各殺尺崇八
寸壇四門社稷各壇方四丈五尺高三尺五寸瘞坎二居壇
外之西北風師爲一壇方二丈八尺高二尺五寸雨雷師同
爲一壇高如風伯而方倍之半居壇之南南北各爲齋廬三
間西北爲大門扁以社壇袁甫書繚以周垣甃以堅甃而植
以松栗與土之所宜木於是始稱國家欽崇命祀之意知府
陽王尚書遂爲之記

公廨

箕父之堂言游之室廣昌縣之廳事山陰縣之門堦見棠思
召千古如存長百里者求稱其居可也

縣廨多治平間屋廳之東北有琴堂紹興中令孔璣重修
淳熙中令劉穎改爲學愛甲辰令曾啓新作寢室舊有
君子堂共賦堂歲久多圯廢慶元戊午令孫應時乃一
新之又於廳之東創笑軒葺其後圃爲亭曰友山西爲
夾牆繚寢室後以通西偏爲亭於西北曰是亭亭之南
卽共賦堂堂後累石爲山竹木陰翳與君子堂通嘉泰
壬戌令何克重建縣廳頗雄壯開禧戊辰令葉凱於隔
舍之南闢軒曰簾畫寶慶丙戌令惠疇於後圃創景言
閣紹定辛卯令史彌厚治東圃建堂未名後令戴衍扁
曰讀書堂嘉熙丁酉令王爚因學愛堂之舊重行改創
易曰道愛淳祐辛亥令別桶治西圃移讀書堂於其中
有亭曰直節遂廢東圃云

丞廳在縣治之東淳熙初元丞張孝伯重建廳事其燕坐曰涉筆曰篤素

簿廳在縣治之西與丞廳相對淳熙間簿蕭達重修廳事有燕坐曰愛蓮靜暉寄隱淳祐辛亥簿唐世忠復新其堂榜曰均政

尉廳在縣治之北二里隣順民倉紹熙中尉趙笈夫所創廳事後小閣曰樂山向西諸峰屏列几案間改曰挹翠後爲隣居障蔽無復曩時之勝易曰斗室北有小圃圃有二亭曰藏春曰野趣歲久堙蕪而尉解亦頽圯矣淳祐戊甲尉周介夫葺而新之廳廡堂宇視昔加壯廳之西偏軒曰梅隱後圃臨流築亭曰濯纓

館驛

市有候館周制也漢十里有亭唐三十里有驛皆所以爲往來者次舍廬宿也竇兢爲鄴令增修郵舍張希顏爲萍鄉令完葺驛傳史類稱之驛舍之修理是亦足以觀令之政云

縣東驛

在縣東南

琴川驛

在縣南承流門裏西向漕渠舊止曰南亭嘉熙初元令王倫增闢一新榜今名

甘棠館

在迎恩橋之東後更名八仙館紹熙五年令葉知幾更曰和旨堂

弦歌館

在縣西南二十步縣令葉凱更名百花堂今爲賞心亭

亭樓

于東陽嘯詠於涵碧亭李虞城遊憇於蠡丘館世率謂其游亭館而廢事然觀柳子厚論作邑者以爲氣煩則慮亂視壅則志滯君子必有游息之物高明之具使之清寧平夷常若有餘然後理達而事虛則夫嘯詠游憇之地所以養其清明

而爲政之助也若夫楊炯爲盈川令多治亭臺書榜美名則非爲政之所急矣

宣風樓

在縣治西紹熙辛未令曾慎建紹熙四年令葉知幾更曰慶豐自此至賞心亭皆權詒之所

燕喜樓

在縣東

旨清樓

在縣西北

春風樓

在縣東迎恩橋南

賞心亭

在縣西卽舊弦歌館

極目亭

在虞山上乾元宮前前眺平疇一目無盡雙湖橫陳諸山歷歷可數最爲登覽之勝舊曰望湖令徐次鐸更

縣樓

承平時所建頗壯麗紹興二十一年太守徐琛篆額道間令趙善括易以林東篆刻石于廳事側慶元

己未春令孫應時修之左右各有亭左曰御筆手詔右曰寬恤事件

橋梁

嘗觀宋天聖三年蕪湖令董黃中浮橋政成仁宗嘉其有愛民之惠詔縣民愛護以圖永便則知縣有橋梁所以便民也爲令者亦不可不於此究心焉

縣橋

在縣治前十五步

沈家橋

在縣西俗呼爲染子橋

市曹橋

在縣西

琴川橋

在縣治直南跨運河舊名信義淳熙十年令曾榮重建改今名有曹綿記俗呼跨塘橋

迎恩橋

在縣治直東

文學橋

在縣東北百五十步舊名言偃橋俗呼醋庫橋按舊圖經言偃橋在縣東一百五十步文學橋在縣

東北一里而前志併二橋爲一未知何故

通濟橋

在縣東北俗呼坊橋

瞿橋

在縣東北舊志有隱仙和風二橋其名不存以方隅步數度之上二橋疑是

廣惠橋

在縣東北舊名通泰紹興間錢氏新之少卿陳拔書其名曰廣惠俗呼通江橋前志耆老僧記海舶

常至邑郭故邑市有通江橋

慶僊橋

在縣西南

顯星橋

在縣東南二百五十步父老相傳昔有星墜地爲石尚存今在橋之東大數十圍深不知其根故以名橋旁有涇曰落星港

善利橋

在縣西南

昇仙橋

在縣

孩兒橋

在縣西北

順民橋

在縣東北

何家橋

在縣直西舊名和嘉

東何家橋

在縣東北舊名和豐

望僊橋

在縣西南

八字橋

在縣西南

太平橋

在縣東南

鎮橋

在縣直南

焦家橋

在縣東南舊名通利

范公橋

在縣西南

草橋

在縣西南

龔家橋

在縣西南

王家橋

在縣西

中和橋

在縣西南

魚行橋

在縣

天心橋

在縣西北

金家橋

在縣西北

小虹橋

在縣東南俗呼洞橋

黃栢橋

在縣西北

包家橋

在縣西北

俞家橋

在縣西北

倉庫

唐令籍帳傳驛倉庫河隄雖有專當皆縣令兼總之宋淳化三年嘗詔縣令之任風化所由宜躬撫字縣令不許監筦倉庫竊謂凡爲縣者固不當以貨財爲累然倉場庫務所合糾察昔胡綱爲河內令每親詣縣倉人以善政歸之則以高雅自將而不屑屑於此者亦非縣令之所貴也

順民倉在尉治之東東臨漕渠治平二年令向宗旦建

卽

爲之

其屋南北西爲列紹熙四年常平使者徐誼給錢

修其西慶元三年丞傅良新其北四年令孫應時新其南嘉熙元年令王燭以比年食米之餘散蓄塔院爲非便乃包東比舊征官廢廨地入焉增創教屋十間然後寬綽有餘矣

常平義倉在順民倉之北廡

省庫在縣廳之右

苗倉庫在縣廳之左

國用庫在縣中門之西廡

務

酒稅務在縣東北坊橋規模整備比年醞造爲數不及於前務止爲收稅地醞造乃移就縣之景言閣猥雜喧併甚失建立初意而縣務遂成虛設於是日漸傾仆悉不

暇問凡舊屋之櫨木換易竊取殆無復遺餘矣

外福山慶安梅李許浦四鎮各有稅務類供郡之版
計前此郡惟責團解於縣鎮有逋欠悉置不問故鎮
官恬弗加意月解久益不登縣之難支亦其一也嘉
定間令葉凱歷陳其弊於郡乞勒各鎮徑自發納郡
守林侍郎采慨然從之惟福山以兼酒故尚仍舊貫
至淳祐初令趙師簡復有請乃如三鎮例酒稅併自
納於郡焉

市易務在尉廨西南後廢爲民居今猶有市易務巷

軍糧庫在縣治西南後廢

醋庫

今但存醋庫橋

營寨

縣掌游徼兵古制也晉志縣令統賊曹掾史兵曹都亭皆主縣兵宋制縣有戍兵則兼都監次兼監押後復兼軍正之職而營寨則各有其地焉

營

開江營錢氏有國時所創宋因之有卒千人爲兩措揮第一指揮在常熟第二指揮在崑山按朱長文志錢氏置都水營田使以主水事募卒爲都號曰撩淺當是時欲富境禦敵以是爲先務宋天禧天聖間吳中水災命發運使張綸同郡守經度於崑山常熟各開衆浦以導積水景祐中范文正公來治此州值歲歉深究利病以謂松江不能盡洩震澤之水當疏導諸邑河渠東南入松江東北入于楊子與海於是親至海浦開浚五河論者

沮之公力破浮議疏濬積潦民受其賜云後大理寺丞
環周言平江低田多爲水浸蓋諸浦中白茅浦最大今
爲淤塞望令有司於農隙開決俾北派流通實無窮之
利詔漕臣措置旣而副使趙子濡知平江府蔣璨言昔
人於常熟之北開二十四浦疏而導之江後爲潮汐沙
積而開江之卒亦廢乃詔察院任古覆視及古至常熟
言五浦通江委是快便今乞止於常熟招填百人此蓋
知五浦之利害者蓋五浦皆注于江東則白茅浦東北
許浦正北福山浦西北黃泗浦奚浦五浦常浚則潦無
漲溢之虞旱獲灌漑之利邑名常熟實本諸此耆老猶
記海船常至邑郭故邑市有通江橋而許浦過梅里鎮
潮汐迅急鎮橋之下徃徃壞舟至開月河以殺水怒至

紹興丁卯康舉之作招真庵記猶云邑去江不及程陂湖畎澮之積自南至者傾馳入于江江潮旣應則迅瀾倒流逆于市橋之下二水相制移時不能去意者開江之卒它無所役專以更迭浚治五浦前人經畫之意深矣自朱勔進花石綱盡奪諸營卒以往而二邑之開江營遂空紹興初猶有老弱居之後徙入州至今府之役隸往往有開江兵士之目而此邑之營地爲尉司教場久矣自丁卯至今五十年五浦淤塞已甚至或委曲如一線水旱之患歲臻識者嘆恨焉尉司舊教場在順民倉後又有捕盜院在通濟橋之東北今皆廢焉

寨

許浦水軍寨在縣東北七十里里乾道六年初自明之定

海分屯于此是時也正值孝宗銳意中原而以海道爲
虞故用馮湛計使度地形便以立此軍先是建炎紹興
隆興用兵時水軍嘗戍江陰亦頗分守福山及許浦爲
要害之地方湛分屯之初許浦極深闊實可藏戰艦東
出海門料角之間勢與膠西相直然比十餘年來許浦
淤塞戰艦非鑿塢不可容非潮盛不可浮浦外沙渾亦
益隆起潮雖盛大艦裝重亦不能出海道有變其應接
非便也議臣或請稍分屯顧逕識者謂今顧逕雖形便
安知不復爲許浦之湮塞要之江沙往來開塞不常未
如定海依山立寨正瞰深海爲天設之要地也水軍凡
八千人平江府給其錢常熟崑山吳江輪給其糧中外
諸官皆受糧於官庾此獨煩縣自載而輸之軍彼得制

其槩量大爲三邑之害前令何克有請於朝令軍中遣隊將受糧於官庾其害遂息軍人利其水脚之費亦所樂爲吳江昆山陰受其賜

許浦巡檢寨土兵一百四十四名額

福山巡檢寨土兵一百四十四名額

白茆巡檢寨土兵一百四十四名額

捕盜院元在通濟橋東今廢

尉司教場在縣卽古開江營基也舊在順民倉之北

義阡

賑貧恤孤瘞骸掩骼仁政也宋元符崇寧詔旨具在固爲政者之所當先焉

養濟院在縣

一在東北
一在西南

漏澤園在縣北宣化門外

義阡在宣化門外明府塘橋之北嘉熙元年令王煥市民地爲之四繚以墻前列棧門凡葬者占地廣尺脩

尺屬其事報慈命僧主掌別創屋三間以居之又買田陸拾貳畝米肆拾貳碩歲收爲給養費詳見勸諭文并規約

勸諭文云古人之法必犯大惡則焚其屍今風俗之弊子孫曾不以爲異只是習慣不以爲事今有狂夫醉人妄以其先人棺槨一彈則便爲深讎巨怨及親拽其遺骸納之火中則略不以爲恠可不哀哉右河南程先生語世人有沒於遠方者子孫火焚其柩收燼而歸葬夫孝子愛親之肌體故斂而葬之殘毀他

人之屍在律猶有嚴禁況子孫乃悖謬如此其始蓋出於羌胡之俗浸染中華行之既久習以爲常見者恬然曾莫之恠豈不哀哉右溫國司馬文正公語吾邑本先賢故里近畿樂郊宜其道義興行風俗醇厚養生送死不背禮經而焚屍一事反視他邦爲甚如

無錫江陰近在隣境亦聞未嘗如此

因仍習倣安以爲常不孝不仁莫

大於此只緣善教不明佛法滋熾日沾月染民胥從之佛本胡人火化乃是其國之俗凡有死者聽命緇徒廣爲齋設雖重費而弗靳至於謀葬則百端算較衆口沮難甚至惑於陰陽之說又以因葬致禍爲憂大抵只欲一舉遺骸徑投烈焰以爲省便之計不惟閭閻貧細爲此雖潤屋儒冠亦鮮有墳墓之可守者

豈不痛哉夫生民與禽獸異中國與夷狄異正以其人倫之親恩義無盡而先王制爲喪禮因其天性以節文之衣衾棺槨以謹其終事葬埋祭祀以久其哀思一有不至則吾心爲之不安此生民所以爲貴而中國所以爲尊也彼胡羌之俗譬若禽獸浮屠氏立教固已背棄倫理絕滅種類則其死後以天生地長可貴之身取快於灰飛煙滅而甘心者不足恠也若乃吾民家家氣脉世世流通有子有孫慎終追遠此乃天經地義之常永無息歇何忍舍正道徇異教陷爲禮法之罪人而終不知懼耶且生而爲人身體髮膚孰不愛惜今旣幸免毀傷歿以正命而瞑目之後爲之孝者反不與之保全衛護使同飛走之羣終受

炮灸之禍雖是父母亦置不卹有人心者一念及此
寧不內自摧怛而亦何顏戴天履地乎是非順逆有
不難見令爲吾邑之民痛傷久矣詢之故老邑舊有
義阡凡數處歲久堙廢無從修復雖見有叢冢又以
囚死或客死者埋瘞其中故吾民耻列於此今謹倣
周官墓大夫之制遵國朝漏澤園之令別卜義阡一
區專爲細民宅葬之所環以百堵限以重門又爲之
建屋市田以贍守者凡可爲經久之計無不用其至
是用諄切告戒開曉爾民使知正道之當由異教之
不當徇而無以令之言爲迂焉昔程純公之宰晉城
也俗尚焚屍純公教諭而禁止之民咸信從令雖德
薄莫望前賢然拳拳

與純公愛晉城之

民同一心也爾民其尚聽之庶幾下以成移風易俗之美上以廣昭天漏泉之澤若死若生兩無所憾所有司馬溫公程先生勸戒二條義明意切讀之感動備揭于右方云右今勸諭各宜知悉嘉熙元年八月日承議郎知平江府常熟縣主管勸農公事王爚

池

放生池舊卽破山興福寺白蓮池爲之乾道間令趙善括

改就東塔崇教興福寺

洗馬池

在縣北六里父老云紹興初尹團練者屯兵防江洗馬於此故名

三角池

在縣北十二里

興賢池

在虞山乾元宮嘉定間鑿池得石有興賢池三字

鎮

青田鎮烏石鎮唐時有之鎮名其始於唐歟

福山鎮在縣北四十里臨江

慶安鎮在縣西北八十里臨江本石闔市舊有石門今不存

許浦鎮在縣東七十里臨江紹興間於此置鎮

梅李鎮在縣東三十六里慶元志云吳越錢氏時遣二將梅世忠李開山戍此以防江北南唐之兵居民依軍成市因取二將之姓以名其地故云梅李市元豐間始爲鎮舊智林寺佛殿拜石刻作梅李乃至和中題則里當作李明矣後版曹易李爲里恐是一時之誤遂因之或引史記注吳地記泰伯所居之梅里及皇覽說泰伯所葬之梅里與今梅里並列爲三者殆弗深攷

常熟鎮在縣東百二十步今廢縣猶有鎮橋在焉

塗崧鎮在縣東南一百五里元豐間去鎮爲市

市

祥符圖經所載常熟縣舊有七市今存者四耳續增直塘楊

尖二市

縣市今廢

梅李市今爲鎮

石闔市今爲慶安鎮

練塘市在縣西南去縣三十六里

真塘市在縣東北去縣百里

甘草市在縣東北去縣百五里舊志云甘樹市

塗崧市在縣東北去縣百五里舊爲鎮元豐間省爲市

楊尖市在縣西南去縣四十五里

直塘市在縣東南去縣九十里

崗

按吳郡志常熟有三崗福山崗徘徊崗塗崧崗

酒坊

縣有外坊十一輸課雖不繫于縣然私釀犯禁縣得理焉故附見

戶部酒坊四名以贍軍吏部揭闕課入版曹而兩浙漕臣領其事月解詣漕司

塘頭

河陽

原塾

支塘

本府酒坊五許民間買撲或郡自遣吏給本措置課入輸郡

梅里

尚墅

徐鳳

塗崧

陸河

馬軍司酒坊二殿司馬軍出成金陵軍中自遣牙校莅酒

政後亦許民戶買撲

莫城

五林

以上諸酒坊課額盈虧縣皆無與各分疆界彼此
不越境內或有私釀則許諸縣縣為懲治而

重修琴川志卷第一

重修琴川志卷第二

叙縣

縣界

第一界

顯星橋至南柵過跨塘橋街東北至縣前西入壽安坊堦東直止東子游巷街南轉東南青果巷迎恩橋西止丞廳南止縣學西

第二界

跨塘橋街西直上西何家橋丁家茶坊入壽安坊堦西止西子游巷街南直上善利橋至錢通判宅止西柵

第三界

顯星橋東直上文學橋東塢入巷街南止東塔寺後河南河北

第四界

塔後西起坊前東止東柵北止北水柵

第五界

東子游巷街北起止瞿家橋西南止丘監丞宅街
東一帶西北過橋直下至廣惠橋西堍街北向西
轉北止尉司街西直上邵家巷東止北旱柵東
北旱柵西起一帶止東南包家橋西一路止葛莊
基西南止陳茶鹽街北止教院後門北沿街

鄉都

九鄉五十都

按郡國經舊十二鄉有太平欲行
昇平三鄉元豐九域志併爲九鄉

感化鄉在縣西北 管都七

第一都

管里四

虞山

武昌

新興

小山

鄉村

山前
寶嚴寺前

湖村

小山

下祁

管民田一萬八千四百八十一畝五十四步係中則

諸色官田八百九十七畝一角半步

第二都

管里三

小山

崇信

日安

鄉村

塘頭
顧莊
河伯市
湖莊

野塘

東水頭

管民田二萬四千二百九十二畝一角三十一步係

中則

諸色官田一千二百一十八畝二角五十八步

第三都

管里四

日安

崇信

安仁

昭墟

鄉村

東西花林
夾舍
充陂
鄒莊
周莊

道林
五林
柴村

沙堰
孫舍

城綴
錢市

管民田二萬九千二十畝一角二十四步係中則

第四都

諸色官田六百九十四畝三角五十一步

管里四

昭旌

崇信

顧山

柘城

鄉村

楊尖
石塘
白塔堰

黃屯
陳塘

後莊
宗母宅

馬市
羊莊

杜朱堰
西石請

管民田二萬五千二百二十一畝三角三十步係下

則

第五都

諸色官田二百五十五畝一十三步

管里三

小山

遺愛

日安

鄉村

麻鞋村
毛巷
大和

李甜市
嶺村
鍾級

東石請
晏莊

陳黃
錢市

支市
晏村

管民田三萬五千九百四畝三角五十二步係下則
諸色官田七百六十六畝三角二十步

第六都

管里六

宣慈山陽

小山

國昌

西陽

通道

鄉村

下市潘塘

陸市童莊

于塘伍市

東于市中市富市

管民田三萬五千七百二十六畝一角八步係下則
諸色官田八百八十八畝三角二十二步

第七都

管里三

翔鸞

通道

宣慈

鄉村

錢莊顧莊

蔣祁頂山

塘宅

蔣舍

林莊

管民田二萬六千三百一畝三角四步半係下則
諸色官田七十一畝一角二十一步

崇素鄉在縣西北 管都三

第八都

管里三 山陽 元陽 河陽

鄉村

河陽坊前 陸塘 英舍 東徐 西徐
西莊 魏莊 朱村 徐岸 邵市
西邵市 魏莊 黃村 蔡村 至塘
虎忽市 水北 張市 蔡舍 袁市
怯村

管民田四萬四千六百五十一畝四十一步係中則
諸色官田三百一十一畝三角三十六步

第九都

管里三 元陽 新莊 歸仁

鄉村

湖下 河陽山前 河陽橋 中澳
下澳 田莊 厚村 邵巷
焦宅 陶蘆舍

管民田二萬六千六百五十二畝二角二十六步係

中則

諸色官田二百八十七畝三角

第十都

管里三

南金

歸仁

修仁

鄉村

北莊
塘橋

蔡舍

孔後

凌莊

蔡村

管民田二萬一千九百四十五畝三角五十二步係

中則

諸色官田一千二百八十九畝一角四十七步

南沙鄉在縣西北 管都七

第十一都

管里三

敬真

永定

修真

鄉村

烏莊村 徐舍

門莊 慶安寺前 東邵舍 塘下

管民田二萬八千六百八畝三角四十三步半下則

諸色官田二千八百四十七畝二角五十四步

十二都

管里二

修仁 昌陽

鄉村

沙港 東檀祁 澗江

高市 西檀祁 新產 界涇

管民田二萬五千二百七十八畝一角四步係下則

諸色官田二百三十四畝三角三十三步

十三都

管里三

昌陽 陳致 修仁

鄉村

新莊 陳陸園 楊澳村 黃泗浦

管民田一萬五千五百六十一畝二角三十三步係

中則

諸色官田八百五十六畝一十八步

十四都

管里三修仁 陳致 伍相

鄉村 蘆舍 吳浦橋榮莊 尹涇 姜村
草長 毛巷 戴巷

管民田二萬二千八百二十四畝二角九步半係中

則

諸色官田六百二十四畝四十五步

十五都

管里五宮城 開元 永昌 崔明 伍相

鄉村 孟市 尹市 邵塔 新安 李埭
候村 盆社 西官城

管民田三萬二千八百四十二畝五十四步係中則

諸色官田六百一十八畝一角三十九步

十六都

管里三

江平

永昌

何塹

鄉村

東望村
桑舍

景市
西山村

李烏村
蒲林

潘祁

下皋

管民田三萬三千七百三十六畝一角五十八步係

下則

諸色官田三百七十三畝三角三十五步

端委鄉在縣東北 管都六

十七都

管里四

官城

太平

鄉

靈芝

言偃

鄉

鄉村

吳涇
稠巷

孫巷
謝莊

西楊橋
蘆浦

鰻魚浦
陶山

陶舍

西山

管民田一萬九千三百九十三畝一角四步係下則

諸色官田七百一十一畝二十六步

十八都

管里二

慕善

承化

鄉村

河漢

崔浦橋

吳湮

新漕

安樂

管民田三萬四百一十四畝三角三十八步半係下

則

諸色官田一千四畝四步

十九都

管里三

承化

永安

崇德

鄉村

黃鶯村

耿湮

野兒漕

中沙

崔浦

管民田三萬三千四百二十四畝二角十二步係下

則

諸色官田三百畝三角二十六步

二十都

管里三 永安 太平 崇德

鄉村

徐馬 六暢 千步 黃泥 村 鄧溝 太平寺 瓦浦

管民田五萬四百四十九畝三角一十七步係中則

諸色官田三千二百二十七畝三角四十九步

二十一都

管里三 崇善 青山 承化

鄉村

大坐 新產 高墓 青村 杏前
花莊 陶舍 東馬 暢

管民田五萬六千八百一十五畝一角七步半係中

則

諸色官田一千六百一十七畝二十四步

二十二都

管里二

承化

慕善

鄉村

花莊
水門塘

花社

檀林

陸莊

福山柵前

管民田二萬七千七百二十五畝二角五十二步係

中則

諸色官田四百五十一畝三角四步半

開元鄉在縣東北 管都四

二十三都

管里五

和興

欽豐

孝義

孝慈

翔鸞

鄉村

尚舍
後舍

河市
閭閻

西下市
陸莊

高市橋

付子

管民田三萬四千九百九十一畝二角四十四步係

中則

諸色官田五百二十六畝二角一十五步

二十四都

管里五

翔鸞

孝慈

懷遜

興國

承化

鄉村

陶莊
東下市

葉莊

九折

周市

辛莊

下莊

管民田四萬六千二百九十七畝二角一十三步係

下則

諸色官田一千三百八十三畝二角二步

二十五都

管里二

懷遜

懷仁

鄉村

李塘
東顧村

陳莊
西顧村

辛舍
雄浦橋

黃莊
官璉

九里
鄭莊

薛莊
西曹莊

三村

瞿舍

管民田一十一萬二千五百三十九畝四十一步係

上則

諸色官田七千七十六畝一角三十四步

二十六都

管里三

習善

德仁

太平

鄉村

菰里
笋村

東漕莊
勝法寺前

陶澀

李付

馬及

管民田七萬五百三十二畝三角三十二步係中則
諸色官田六千九百一十七畝二角八步

思政鄉在縣東南 管都五

二十七都

管里四

集賢

道義

永安

招德

鄉村

楊塘
施村

真門
均村

長宴
徐鳳坊前

北舍

沈塔
寺澀

管民田九萬二千七百二十二畝一角三步係下則

諸色官田六千六百二十畝一角五十五步半

二十八都

管里一

昭德

鄉村

東西李墓

南港

北港

季渭橋

管民田四萬七百八十八畝二角三十二步半係中

則

諸色官田二千七百六十六畝三角四十四步

二十九都

管里二

昭德

習善

鄉村

羅濁

包廩

逆上

白蕩橋

賀衫橋

管民田五萬二千一百五十九畝二角五十一步係

中則

諸色官田三千三百九十八畝三角二十步

三十都

管里二

新安 昭德

鄉村

新產 五浦
徐六涇

黃泥村
朱堰

唐浦
翰村

官竹園

管民田四萬四千六十七畝五十七步係中則

諸色官田二千三百四十七畝三角五十一步

三十一都

管里五

昭德 楊王
白艾 金涇
高浦

高浦

鄉村

高浦 金涇
官莊 凌莊

白艾 海頭
黃沙村

管民田四萬八千七百八十二畝三角五十四步半

係下則

諸色官田五千一百一十六畝五十八步半

雙鳳鄉在縣東南 管都十二

三十二都

管里二

集賢

昭德

鄉村

沙營
高可甲

海頭

西桑林
包橋

管民田五萬四千一百九十八畝三角二十三步係

中則

諸色官田五千九百八畝三角一十五步

三十三都

管里一

清化

鄉村

六河

西顧莊

下六河

東桑林

管民田三萬一千六百六十七畝一十八步係中則
諸色官田五十六畝一角七步

三十四都

管里三

集賢

清化

永寧

鄉村

上錢湮
撐脚浦

東顧莊
下錢湮

黃湮

管民田四萬四百七十四畝三角四步係中則

諸色官田四千六百九畝一角五十六步

三十五都

管里四

清化

陌莊

錢湮

嚴舍

鄉村

甘潭
堰頭

淺湖
陳穆

成村

彭李

管民田三萬九千九百八十八畝三角三十二步係

下則

諸色官田五千五百三十四畝三角五十八步半

三十六都

管里三

北浦

嚴舍

錢涇

鄉村

高蘆

大浦

東嚴舍

泊莊

管民田五萬四百七十六畝三角三十一步係下則

諸色官田一千六百七十五畝二角五十四步半

三十七都

管里五

石堰

輪洞

福順

夫差

保安

鄉村

穿山

石堰

塗菰

管民田四萬四千四百四畝一角三十六步係下則

諸色官田四千一百八十五畝一角二十九步

三十八都

管里三

無愁

集賢

石城

鄉村

桂村

漕湖

徐鳳

蘆菰

東丫涇

管民田五萬三千五百六十九畝一角四十一步半

係下則

諸色官田五千七百七十九畝一十二步

三十九都

管里六

石城

進賢

七浦

揚波

散坵

陳莊

鄉村

西丫 涇橋 曹莊

雙鳳村 六莊

沙頭 眉 涇橋

管民田七萬一千七百八十六畝二角四十九步半

係中則

諸色官田一萬四千三百七十九畝二角三十五步

半

四十都

管里二

吳塘

進賢

鄉村

直塘
朱巷

三橋
任陽

瞿溼

牛門

管民田五萬九千九畝一角五十二步係下則

諸色官田二萬一千三百二十六畝二角五步

四十一都

管里一

集賢

鄉村

支塘

坊前

赤沙

河舍

管民田三萬六千七百一十六畝三角三十一步係

中則

諸色官田二千一百九十八畝二角一十七步半

四十二都

管里二

集賢

吳塘

鄉村

周莊
黃村

馬莊
下莊

下廟
宣塘

羅磨
市宅

畧舍
秋塔

周涇
馬涇

張塘

管民田一十二萬九千六百二十二畝二角八步係

中則

諸色官田三萬七千六百八十三畝二角一十五步

四十三都

管里三

進賢

吳塘

莫耶

鄉村

莫城
朗城

潭塘
薛澤

洋澳
三家村

時澤

舍澤
畢澤

黃涇

管民田七萬五千一百一十一畝二角二十六步係

上則

諸色官田二萬二千五百一十三畝一角一十八步

積善鄉負郭并縣南 管都二

四十四都

管里四

懷仁

東沼

青村

郁澤

鄉村

五瞿呂舍

過莊張港

祐村於沽

斜橋沼頭

青亭

管民田一十萬五千九百三十七畝一步係半則

諸色官田九千八百一十五畝三角五十六步

四十五都

管里二

扈城

石城

鄉村

陳市大步

瞿市觀莊

茆市瞿家店

錢市

興福寺前塔下

管民田二萬一千七百一十六畝二角三十二步係

上則

諸色官田八十九畝一十八步

歸政鄉在縣西南 管都五

四十六都

管里五

青村

齊門

孝廊

安仁

儀鳳

鄉村

惠洞
萬蕩

商塘
柴涇

斜橋
時村

下塘

金市
尚湖

戈市

下莊

管民田五萬一千三百八十六畝二角二十四步係

上則

諸色官田二千八百二十三畝三角四十六步半

四十七都

管里三

孝節

儀鳳

義遜

鄉村

尚湖村西
鄒黃墓

北下莊
胥磨

泰塘橋
練塘市

諸岸

管民田二萬三千七百七畝五步半係中則

諸色官田五百八十九畝三角一十步

四十八都

管里二

義遜 懷仁

鄉村

陳埭 朱巷 東顧莊
石灰渭 荻村 錢舍
顧涇 吳塔 界程

蔡姑 平市
蔣店 陶舍

管民田六萬六千六百一十七畝二角五十步係上

則

諸色官田三千五百七十九畝二角三十八步

四十九都

管里三 義遜 三遜 誠信

鄉村

前周 西顧莊 李祁 東祁 惠舍
韓莊 西蔡姑 宛山 鶴窠 烏嘴

管民田三萬五千三百四十二畝三角三十二步係

中則

諸色官田五十九畝四十步

五十都

管里四

承節

誠信

三遜

義遜

鄉村

楊尖市南
西舍

錢塘
東舍

瞿里村
馬瀆

蒲陂
惠市

管民田一萬九千一百四十一畝一角一步係中則
諸色官田二畝二十步

重修琴川志卷第二